



ASIAN DEVELOPMENT BANK
6 ADB Avenue, Mandaluyong City
1550 Metro Manila, Philippines
Tel +63 2 632 4444
Fax +63 2 636 2444

www.adb.org

NEWS RELEASE

4 April 2016

KRESIMENTU TIMOR-LESTE NIAN IHA POSIBILIDADE ATU ASELERA IHA 2016 HO INVESTIMENTU NE'EBÉ SA'E DAUDAUN – RELATÓRIU ADB

DILI, TIMOR-LESTE – Kresimentu ekonómiku iha possibilidade atu aselera iha 2016 no 2017 ho investimentu públiku no privadu ne'ebé sa'e daudaun, deklara relatóriu foun Observasaun Dezenvolvimentu Aziátiku (ADO) 2016 Banku Dezenvolvimentu Aziátiku (ADB) nian.

ADB nia publikasaun ekonómiku anuál halo estimasaun ba kresimentu GDP to'o 4.5% iha 2016, sa'e to'o 5.5% iha 2017. Iha projesaun ba inflasaun atu sa'e neinek to'o 2% iha 2016 no 3% iha 2017 bainhira impaktu deflasionáriu husi dollar nia forte no presu komodidade redús.

“Bainhira observasaun ekonómiku timor-leste nian pozitivu nafatin, nasaun hasoru redusaun mina nia folin no ida ne'e hatudu katak presiza diversifikasaun ekonómiku,”tenik Shane Rosenthal, ADB Timor-Leste nia Director. “Timor-Leste nia kresimentu populasaun joven bele lori oportunidade réal atu hasa'e prospetu kresimentu ba tempu naruk liuhosi investe kapital umanu no enkoraja partisipasaun luan liu tan iha merkadu traballu.”

Parseria públiku-privadu ida atu harii portu internasionál foun ida iha parte oeste Dili nian ne'ebé espera atu hahú iha 2017 no presiza investimentu ho montante kuaze milliaun \$290, liu metade husi montante ne'e sei finansia husi setór privadu. Governu mós planeia hela investimentu boot iha infraestruturá ekonómiku seluk, katak relatóriu ne'e.

Relatóriu ADB nian anota katak dezenvolvimentu setór privadu sai nafatin fokus husi Governu Timor-Leste bainhira completa reforma ambisiózu atu mellora ambiente favorável ba negósiu no estimula dezenvolvimentu setór finanseiru molok eleisaun iha 2017 nia klaran.

Dezde Timor-Leste sai membru ADB iha 2002, simu ona subvensaun neen husi Trust Fund ba Timor-Leste (millaun \$52.8); subvensaun lima husi Asian Development Fund (ADF) (millaun \$85): no projetu Asisténsia Téknika (TA) hamutuk 41(millaun \$35.82). Timor-Leste mós simu ona impréstimu lima ho montante milaun \$90 +millaun 11.78, ne'ebé hamutuk ho subvensaun ADF haat (millaun \$75) no projetu TA sanulu (millaun \$24.64) mak atualmente ativu.

ADB, bazeada iha Manila, dedikadu atu redús pobreza iha Ázia bo Pasífiku liuhosi kresimentu ekonómiku inkluzivu, kresimentu ambiente sustentavel, no integrasaun rejionál. Estabelesidu iha 1966, ho na'in hamutuk membru 67 — husi rejiaun 48.

Media Inquiries:

Connect with us on Twitter @ADB_HQ

Sally Shute-Trembath

Telephone: +61 2 8270 9444

E-mail: sshute-trembath@adb.org

© 2016 Asian Development Bank